

## 18 февраля 2026.

### Попразд. Сретения Господня. Мц. Агафьи Панормской

#### Вечерня (приходская)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

**Чтец:** Аминь. Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

#### Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастит лице елеем, и хлеб сердце человека укрепит. Насытятся древа польская, кедри Ливансии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собраться и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий

18 февраля 2026. Попразд. Сретения Господня. Мц. Агафии Панормской

сей, егѡже создáл еси ругáтися емú. Вся к Тебѣ чáют, дáти пíщу им во блáго врѣмя. Дáвшу Тебѣ им соберúт, отвѣрзшу Тебѣ рúку всяческая испóлнятся блáгости, отврáщшу же Тебѣ лицѣ, возьмúтся, отъймeши дух их, и исчéзнут, и в персть свою возвратя́тся. Пóслеши Дúха Твоегó, и созиждутся, и обнови́ши лицѣ земли. Бúди слáва Госпóдня во вѣки, возвеселится Госпóдь о дѣлех Свои́х, призира́яй на зѣмлю, и творя́й ю́ трястíся, прикаса́яйся горáм, и дымáтся. Воспою́ Гóсподеви в животѣ моём, пою́ Бóгу моемú, дóндеже есмь, да усладíтся Емú бесѣда моя́, аз же возвеселю́ся о Гóсподе. Да исчéзнут грѣшницы от земли, и беззакóнницы, я́коже не бýти им. Благослови́, душѣ моя́, Гóспода.

Сóлнце позна́ за́пад свой. Положи́л еси́ тму, и бысть ночь. Я́ко возвеличи́шася делá Твоя́, Гóсподи, вся премúдростию сотвори́л еси́.

Слáва Отцú и Сýну и Свято́му Дúху, и ны́не и прíсно и во вѣки веко́в. Амíнь. Аллилу́иа, аллилу́иа, аллилу́иа, слáва Тебѣ Бóже (*трижды*).

### Ектенія великая

*Диакон:* Мíром Гóсподу помóлимся.

*Лик:* Гóсподи, помíлуй. (*на каждое прошение*)

*Диакон:* Пресвяту́ю, Пречíстую, Преблагословѣнную, Слáвную Влады́чицу нáшу Богородицу и Приснодѣву Марíю со всѣми святы́ми помяну́вше, сáми себѣ и друг дру́га, и весь живóт наш Христú Бóгу преда́дим.

*Лик:* Тебѣ, Гóсподи.

*Священник:* Я́ко подобáет Тебѣ всякая слáва, честь и поклонѣние, Отцú, и Сýну, и Свято́му Дúху, ны́не и прíсно, и во вѣки веко́в.

*Лик:* Амíнь.

### Стихиры на «Господи, возвах»

*Канонарх:* Глас 1, Гóсподи, возвах к Тебѣ, услыши мя.

*Лик:* Гóсподи, возвах к Тебѣ, услыши мя./ Услы́ши мя, Гóсподи./ Гóсподи, возвах к Тебѣ, услыши мя:/ вонмí глáсу молѣния моего́,/ внигда́ воззвáти ми к Тебѣ.// Услы́ши мя, Гóсподи.

18 февраля 2026. Попразд. Сретения Господня. Мц. Агафии Панормской

Да исправится молитва моя,/ яко кадило пред Тобю,/ воздеяние руку мою/ жертва вечерняя. // Услыши мя, Господи.

попразднства Сретения Господня на 3

**На 6, стих:** Аще беззакония назириши, Господи, Господи, кто постоит? / Яко у Тебе очищение есть.

Богоявления неизреченнаго/ ныне празднуем спасительную благодать:/ от Девы бо Отроковицы непреложно младенствовав, Христос Бог/ в церковь Богу и Отцу/ Материю ныне приносится, // Егоже приим, Симеон руками объят.

**Стих:** Имене ради Твоего потерпех Тя, Господи, потерпел душа моя в слово Твое, /

упова душа моя на Господа.

Во пророцех виден был еси,/ якоже мощно быше, Иисусе, Тебе видети древле,/ но ныне, Божий Слове, плотию всему миру явился еси волею/ от Девы Марии, Христе,/ Твое спасение всем сущим от Адама явил еси, // яко Человеколюбец.

**На 4, стих:** От стражи утренния до нощи, от стражи утренния, / да уповает Израиль на Господа.

На Синайстей горе закон учинивый древле,/ ныне в Сионе граде исполняя законная,/ руками Богородицы,/ Младенец Христе, со всесожжении/ на руках Симеона// во храм внеси-ся восхотел еси плотию.

мц. Агафии Панормской на 3, глас 4

**Стих:** Яко у Господа милость, и многое у Него избавление, / и Той избавит Израиля от всех беззаконий его.

18 февраля 2026. Попразд. Сретения Господня. Мц. Агафии Панормской

Нетлѣнно соблюла еси тѣло/ Христу́, Жениху́ твоему́,/ дѣвства добротами,/ Ага́фии Богоневѣсто, украшена/ и просвѣщена мученическими блистаньями,/ и в черто́г Божественный вмести́лася еси́./ Тѣмже твоѣ всемірное соверша́ем торжество́,/ Спа́са сла́вяще, // прісно Тя сла́вящаго.

**На 2, стих:** Хвалите Го́спода вси язы́цы, / похвалите Егó вси лю́дие.

Сосцѣв отрѣзание,/ и огня́ опалѣние,/ и строганія телесе́ претерпѣла еси́, сла́вная,/ вѣчнуюющая, очима́ сердечныма смотря́я воздая́ния,/ и отонудное блаженство,/ и вене́ц неувяда́емый,/ е́же тебѣ Христо́с ны́не дарова́,/ за Него́же пострада́вши, // страсотѣрпице многострада́льная.

**Стих:** Яко утверди́ся мѣлость Егó на нас, / и истина Господня́ пребыва́ет во вѣк.

Стремлѣние неудѣржное/ огня́ свирѣпаго уста́вила еси́,/ моли́твами твоими́, благоименита́я,/ и град спасла́ еси́,/ честны́я тво́я, мученице, мо́щи чту́щий,/ от нихже объѣмлет ре́ки исцелѣний/ Божественным Ду́хом./ В сем бо пострада́вши, врага́ смири́ла еси́ // и победы́ вене́ц прия́ла еси́, всехва́льная.

**Сла́ва, глас 8:**

Слава Отцу́, и Сы́ну, и Свято́му Ду́ху.

Пресла́вно чу́до бысть во страда́нии всесла́вныя Ага́фии/ и мученицы Христо́а Бо́га,/ подобно Моисе́ови./ Он бо, лю́дем законополагая́,/ на горѣ напи́сана на скрижа́лех/ Богоначер-

18 февраля 2026. Попразд. Сретения Господня. Мц. Агафьи Панормской

тáнная пíсмена прíят;/ зде же А́нгел с Небесé/ на гроб скри-  
жáль принесé напíсану,/ ум преподóбен самоизвóлен,//  
честь от Бóга и отéчеству избавлénие.

*И ныне, глас 8:*

И нýне, и прíсно, и во вéки векóв. Амíнь.

Йже на Херувíмех носíмый и певáемый от Серафíм,/ днесь  
в Божéственное святíлице по закóну приносíм,/ на стáрче-  
ских, я́ко на престóле, седíт рука́х/ и от Ио́сифа прíемлет  
да́ры Боголéпно,/ я́ко супрýг гóрличищ,/ несквёрную Цёр-  
ковь и от язýк новоизбрáнныя лýди,/ голубíна же два птен-  
ца́,/ я́ко Начáльник Вётхаго же и Но́ваго./ Ёже к Немý обе-  
щáния Симеóн конéц прíем,/ благословя́ Дéву Марию́ Бого-  
рóдицу,/ страстéй óбразы, Йже из Нея́, провозгласí/ и от Не-  
гó прошáше отпущё́ния, вопия́:/ нýне отпусти́ мя, Влады́ко,/  
я́коже прéжде возвестí ми,/ я́ко вíдех Тя, Первовéчнаго  
Свёта// и Спа́са Го́спода христоименíтым лýдем.

### **Вечерняя песнь Сыну Божию**

Свёте Тíхий святýя сла́вы,/ Безсмёртнаго, Отца́ Небéснаго,/ Свята́го  
Блажénнаго, Иисýсе Христé./ Пришédше на зáпад со́лнца,/ вíдевше свет  
вечёрний,/ поём Отца́, Сы́на и Свята́го Дýха, Бóга./ Достóин еси́ во вся  
временá/ пёт бы́ти глáсы преподóбными,/ Сы́не Бóжий, живóт да́й,  
тёмже мир Тя сла́вит.

*Диакон:* Вóнмем.

*Священник:* Мир всем.

*Лик:* И дýхови твоёмý.

### **Прокимен**

Во вторник вечера, глас 1:

18 февраля 2026. Попразд. Сретения Господня. Мц. Агафии Панормской

**Диакон:** Премудрость. Воннем. Прокимен, глас 1.

Милость Твоя, Господи, / поженет мя вся дни живота моего.

**Лик:** Милость Твоя, Господи, / поженет мя вся дни живота моего.

**Диакон:** Господь пасет мя, и ничтоже мя лишит, на месте злачне, тамо всели мя.

**Лик:** Милость Твоя, Господи, / поженет мя вся дни живота моего.

**Диакон:** Милость Твоя, Господи

**Лик:** поженет мя вся дни живота моего.

Во вторник вечера. Глас 1

Ми\_лость Твоя, Господи, поженет мя вся дни жи\_во\_та, жи\_во\_та мо\_е\_го.

### Молитва при наступлении вечера

**Чтец:** Сподоби, Господи, в вечер сей без греха сохранитися нам. / Благословен еси, Господи Боже отец наших, / и хвально и прославлено имя Твое во веки, аминь. /

Буди, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, вразуми мя оправданием Твоим. / Благословен еси, Святыи, просвети мя оправданием Твоими. /

Господи, милость Твоя во век, дел руку Твоею не презри. / Тебе подобает хвала. Тебе подобает пение, / Тебе слава подобает, Отцу и Сыну и Святому Духу, / ныне и присно и во веки веков. Аминь.

### Ектения просительная

**Диакон:** Исполним вечернюю молитву нашу Господеви.

**Лик:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

18 февраля 2026. Попразд. Сретения Господня. Мц. Агафии Панормской

**Лик:** Гóсподи, помíлуй.

**Диакон:** Вéчера всегó совершénна, свѣта, мíрна и безгрéшна у Гóспода прóсим.

**Лик:** Подáй, Гóсподи. *(на каждое прошение)*

**Диакон:** Пресвятую, Пречíстую, Преблагословéнную, Слáвную Влады́чицу нáшу Богорóдицу и Приснодéву Марíю со все́ми свѣты́ми помяну́вше, са́ми себѣ и друг дру́га, и весь живóт наш Христú Бо́гу преда́дим.

**Лик:** Тебѣ, Гóсподи.

**Священник:** Яко благ и человеколю́бец Бог еси́, и Тебѣ сла́ву возсыла́ем, Отцú, и Сýну, и Свѣтóму Дúху, ны́не и прíсно, и во вéки векóв.

**Лик:** Амíнь.

**Священник:** Мíр всем.

**Лик:** И дúхови твоeмú.

**Диакон:** Главы́ нáша Гóсподеви приклóним.

**Лик:** Тебѣ, Гóсподи.

**Священник:** Бúди держáва Цáрствия Твоегó благословéна и препрослáвлена, Отцá, и Сýна, и Свѣтаго Дúха, ны́не и прíсно, и во вéки векóв.

**Лик:** Амíнь.

### Стихиры на стиховне

Среда сырной седмицы на 3

**Канонарх:** Глас 1, Рáдостно при́мем вѣрнии богодохновéнное завещáние поста́.

Рáдостно при́мем вѣрнии богодохновéнное завещáние поста́, / я́коже прѣжде ниневítяне:/ и пáки, блудн́ицы и мытарí:/ я́же покая́ния прóповедь от Иоáнна е́сть./ Воздержáнием уготóвимся к преселéнию в Сиóн, Влады́чняго священнодѣйства./ Слезáми предочíстимся в нём божѣственного умовéния./ Помóлимся вíдети образныя здé Пáсхи совер-

18 февраля 2026. Попразд. Сретения Господня. Мц. Агафии Панормской

ше́ние, и и́стинныя явлéния./ Угото́вимся на поклонéние Крестá,/ и Воскресéния Христá Бóга, вопи́юще к Немú:// не посрамí нас от ча́яния нáшего Человеколю́бче.

**Стих:** К Тебé возведóх óчи мой живúщему на небесí, сé я́ко óчи ра́б в рукú госпóдий сво́их, я́ко óчи рабы́ни в рукú госпож́и своея́, та́ко óчи нáши ко Гóсподу Бóгу нáшему. /

**Лик:** дóндеже ущéдрит ны́.

Рáдостно при́мем вёрнии богодохновéнное завещáние поста́, / я́коже прéжде ниневítяне:/ и пáки, блудн́ицы и мытарí:/ я́же пока́яния прóповедь от Иоáнна ёсть./ Воздержáнием угото́вимся к преселéнию в Сиóн, Влады́чняго священнодéйства./ Слезáми предоч́истимся в нём божéственного умовéния./ Помóлимся в́идети образныя здé Пáсхи соверше́ние, и и́стинныя явлéния./ Угото́вимся на поклонéние Крестá,/ и Воскресéния Христá Бóга, вопи́юще к Немú:// не посрамí нас от ча́яния нáшего Человеколю́бче.

**Стих:** Помíлуй нáс, Гóсподи, помíлуй нáс, я́ко по мнóгу испóлнимся уничи́жения: наипáче напóлнися душá нáша поноше́ния гобзúющих. /

**Лик:** и уничи́жения гóрдых.

О дóбрыя кúпли ва́шея святíи!/ Я́ко крóви да́сте, и Небесá наследовáсте:/ и врéменно иску́сívшееся, вéчно рáдуетеся./ Во́истину дóбрая ва́ша кúпля:/ тлénная бо оста́вьше, нетлénная восприя́сте, // и со А́нгелы ликúюще поéте непреста́нно Трóицу Единосу́щную.

**Сла́ва и ны́не, глас 2:** Слава Отцú, и Сýну, и Свято́му Дúху.  
и ны́не, и прíсно, и во вéки векóв. Ами́нь.

18 февраля 2026. Попразд. Сретения Господня. Мц. Агафьи Панормской

Емуже вѣшнии служителие с трѣпетом молятся,/ долу ныне Симеон вѣщными руками приѣм,/ Бѣга человеком соединитися проповѣда,/ и Человека Небесна Бѣга видяй,/ отлучаяся сущих на земли, радостно взываше:/ Иже во тьме сущим Невечерний Свет открываяй, // Господи, слава Тебѣ.

### Молитва святого Симеона Богоприимца

**Чтец:** Ныне отпускаеши раба Твоего, Владыко, / по глаголу Твоему с миром: / яко видеста очи мой спасение Твое, / еже еси уготовал пред лицем всех людей, / свет во откровение языков, / и славу людей Твоих Израиля.

Святый Бѣже, Святый Крепкий, Святый Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Священник:** Яко Твое есть Царство, и сила, и слава, Отца, и Сына, и Святого Духа, ныне и присно, и во веки веков.

**Лик:** Аминь.

### Тропари

Тропарь мц. Агафьи Панормской, глас 8.

18 февраля 2026. Попразд. Сретения Господня. Мц. Агафии Панормской

Агница Твоя, Иисусе, Агафия, / зовёт велиим гласом: / Тебё,  
Женише мой, люблю, / и, Тебё ищущи, страдальчеству, / и  
сраспинаюся, и спогребаяюся Крещению Твоему, / и стражду  
Тебё ради, яко да царствую в Тебё, / и умираю за Тя, да и жи-  
вú с Тобóю, / но, яко жёртву непорочную, прими мя, с лю-  
бовию пожёршуюся Тебё. // Тоя молитвами, яко Милостив,  
спаси души наша.

Слава Отцу и Сыну и Святому Духу, и ныне и присно и во  
веки веков. Аминь.

Тропарь Сретения, глас 1

Радуйся, Благодатная Богородице Дёво, / из Тебё бо возсия  
Солнце Правды, Христос, Бог наш, / просвещаяй сущия во  
тьме. / Веселися и ты, старче праведный, / приёмый во объ-  
ятия Свободителя душ наших, // дарующаго нам воскре-  
сение.

Сугубая ектения

**Диакон:** Помилуй нас, Бóже, по велицей милости Твоей, молим Ти ся, услыши  
и помилуй.

**Лик:** Гóсподи, помилуй *(трижды)*.

**Диакон:** Ещё молимся о Великом Господине и Отце нашем Святейшем Патриархе Кирилле, и всей во  
Христе братии нашей.

**Лик:** Гóсподи, помилуй *(трижды)*. *(на каждое прошение)*

**Священник:** Яко Милостив и Человеколюбец Бог еси, и Тебё славу возсылаем, Отцу и Сыну и Святому  
Духу, ныне и присно и во веки веков.

**Лик:** Аминь.

**Диакон:** Премудрость.

**Лик:** Благословí.

18 февраля 2026. Попразд. Сретения Господня. Мц. Агафии Панормской

**Священник:** Сый благословѣн Христос Бог наш, всегда, ныне и присно и во веки веков.

**Лик:** Аминь. Утверди, Боже,/ святую православную веру,  
православных христиан/ во век века.

**Священник:** Пресвятая Богородице, спаси нас.

**Лик:** Честнейшую Херувим и славнейшую без сравнения Се-  
рафим, без истления Бога Слова рождшую, сущую Бого-  
родицу Тя величаем.

**Священник:** Слава Тебе, Христе Боже, упование наше, слава Тебе.

**Лик:** Слава Отцу и Сыну и Святому Духу, и ныне и присно и  
во веки веков. Аминь. Господи, помилуй (*трижды*). Благо-  
словий. (или ....Владыко, благослови)

#### Священник глаголет Отпуст

Иже во объятиих праведнаго Симеона носитися изволивый, нашего ради спасения, Христос Истинный Бог наш, молитвами Пречистой Своея Матере, мц. Агафии Панормской, и всех святых, помилует и спасет нас, яко Благ и Человеколюбец.

#### Многолетие

**Лик:** Великаго господина и отца нашего Кирилла,/ Святей-  
шаго Патриарха Московскаго и всея Руси,/ богохранимую  
страну нашу Российскую,/ настоятеля, братию и прихожан  
святаго храма сего,/ и вся православныя христианы,//  
Господи, сохрани их на многая лета.